



Aningaasaqarnermut Akileraartarnermullu Ataatsimiititaliaq
-/maani

Aningaasaqarnermut Akileraartarnermullu Ataatsimiititaliamik oktobarip aqqarnani 2013 isumasioqateqarnermut atatillugu apeqqutinut akissutit

Ulloq: 11. oktober 2013
Sullap nr. 2013-090530
All. nr.

2014-imi aningaasaqarnermut inatsisissatut siunnersuut pillugu isumasioqatigiinnissamut, Aningaasaqarnermut Ataatsimiititaliap Naalakkersuisoq matumuuna aggersarpaa. Aningaasaqarnermut Ataatsimiititaliap AIS 2014-imut tunngatillugu apeqqutaanut, Naalakkersuisut akissutaat tunngavigalugit aggersaasoqarpoq.

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

Isumasioqatigiinnermi makku oqaluuserineqarnissaat Ataatsimiititaliamit kissaatigineqarpoq:

Apeqqut 1

Apeqqummut tunuliaqutaasoq:

Apeqqut 3.10-mut Naalakkersuisup akissutaa peqqissuunissaq anguniarlugu iliuusissatut siunniussanut tunngasoq.

Naalakkersuisumik apersuinnermi akineqartussatut Aningaasaqarnermut Ataatsimiititaliap apeqqu-taa:

- a) Peqqissuunissaq anguniarlugu iliuusissatut siunniussat, siunertanut kontonut ataasiakkaanut sorlertnut qanoq sunniuteqassanersut, suliassaqarfiit sorliit atuineruffiusimanersut aammalu annertuumik missingersuusiornertuneriit aaqqinniartugit qanoq iliuuseqartoqalersaamera pillugu paasissutissiissinneqarnissaq Ataatsimiititaliap kissaatigaa.

Nuna tamakkerlugu peqqissuunissaq anguniarlugu 2014-imiit 2017-imut iliuusissatut siunniussat pingaarnertut anguniagaassapput, Peqqinnissaqarfiup ilisarnaataanik pingaarnersiullunilu tulleriiaarineranik nassuiaasut peqqinnissaqarfiullu ilinniagaqassut-sikkut, innuttaasut katitigaanerisigut, aningaasaqarnikkullu unammilligassanut naleq-qussartuarnissamik qulakkeeripput.

Peqqissuunissaq anguniarlugu iliuusissatut siunniussat iluini, siunertanut aalajangersimasunut kontoni ataasiakkaani ineriartortitsiuarnissaq anguniarlugu, iliuusissanik politikikkut anguniagassat naaportorlugit aningaasaliissutillu iluini qulakkeerisunik, pilersaarusiortoqassaaq.

Ukiuni arlertuni kontot pingaamerit makku aningaasatigut artukkiipput:

- 34.11.01 – Napparsimasut timimikkut nappaatillit nunani allani katsorsarneqartarnerat
- 34.12.03 – Ataatsimut aningaasartuutit, napparsimasunik angallassinermut il.il.
- 34.12.05 – Nunatta Nakorsaataasivia

Aningaasatigut artukkerneqameq, kontoni aningaasartuutit akinut akissarsianullu iluarsiissutinut sanilliullugit qaffakkiartornerunnerannik patsiseqarpoq. Tamanna ilaatigut siornatigumut sanilliullu-

gu nakorsartinnerit akisunerusut amerlinerannik patsiseqarpoq. Taqqatigut, uummatikkut, kræftimillu nappaatillit Dronning Ingridip Napparsimmavissuani nakorsartariallit amerlisimapput.

Napparsimasut najugartik qimallugu nakorsartittariallit angalanerannut aningaasartuutit annertusiarporput, tamanna ilaatigut napparsimasut angalasut amerlinerannik, nalinginnaasumik bilitsit akitsornerannik, kiisalu bilitsit akikinnerit pissarsiariuminaannerulerannik patsiseqarpoq. Tamanna Peqqinnissaqarfimmi angalanerannut aningaasartuutit qaffannerannik nassataqarpoq. Nakorsaatinut tunngatillugu kræftimut gigtimullu nakorsaatinik ukiuni kingulleme atuneq annertuumik malunnaatilimmik annertusivoq.

Aningaasartuutissanik missingersuineq pitsaanerusoq qulakkeerniarlugu, aningaasaliissutit pinnaagit suliassat aallaavigalugit aningaasartuutissanik missingersuisarnissaq qitiutinneqassaaq. Taamaasiornikkut aningaasanut inatsisissamut siunnersuosiornissap, aningaasartuutitut malinnaaneq kiisalu sipaarutaasinnaasunik nassaarniarnissaq, pitsaanerusumik tunngavissinneqassapput. Tamatuma saniatigut aningaasartuutissat missingersuutininik ulluinnarnilu ingerlatsinermi nakkutillineq annertusineqassapput. Taamaasiornikkut kukkusoqarsinnaanera annikillisinneqassaaq.

Siunissami suliassanik tunngaveqarluni aningaasartuutissanik missingersuisalernerup, aningaasat akuersissutaasut aningaasartuutitut malinnaasinnaalernerannik kinguneqarnissaa naatsorsuutigineqarsinnaanngilaq. Tamanna tunngavigalugu Peqqinnissaqarfiup maannamut suliassat allanngortinnagit aningaasaliissutillu annertusinagit, siunissami aningaasaliissutit iluini eqaalisaanikkut ukiut tamaasa 10-15 mio. koruunit missaannik nassaarniartariaqartarnissaata qitiutinneqarnissaa pingaaruteqarpoq. Tamatuma saniatigut 2014-imut aningaasanut inatsisissap aappassaaneerlugu oqaluuserineqarnerannut atatillugu, allaffissornikkut ingerlatsinermi Peqqinnissaqarfik immikkut sipaarutissanik 1,6 mio. koruuninik nassaarnissaanik piumasaqarfigineqarpoq.

Ukioq manna siusinnerusukkut Peqqinnissaqarfiup aningaasaliissutitigut ilungersunartorsiornera pillugu nalunaarusiaq nassiunneqarpoq. Nalunaarusiami tamatumani 2013-imi aningaasaliissutit sipporneqassanngitsut aamma oqaatigineqarpoq.

Taamaammat Peqqinnissaqarfimmut aningaasaliissutit iluini immikkut aningaasaliisoqanngippat, suliassanik nutaanik aallartitsinissaq periarfissaqanngilaq.

Apeqquut 2

Apeqquummut tunuliaqutaasoq:

Apeqquut 8.1-imut Naalakkersuisup akissutaa suliaritinnissamut utaqqisut nalunaarsorsimaffiannut taartaagallartartunullu aningaasartuutitut tunngasoq.

Naalakkersuisumik apersuinerne akineqartussatut Aningaasaqarnermut Ataatsimiititaliap apeqquutaa:

- a) Ataatsimiititaliap isumaa malillugu utaqqisut nalunaarsorsimaffiat malunnaatilimmik allannguuteqanngilaq, akerlianilli immikkut ilisimasaqarfiit ilaat utaqqisoqarnerulerput. Assersuutigalugu immikkut iliuuseqartoqaraluartoq seeqquusalersinnissamut siffiaasalersinnissamullu utaqqisutut nalunaarsorsimasut amerleriarput. Tamatumunnga suna patsisaava tamannalu qanoq isumaliulersitsiva?

Suliaritinnissamut utaqqisut amerlassusaasa allannguutaat piviusoq takuniaraanni, ukiumi pineqartumi utaqqisut nalunaarsorsimaffiannut ilanngunneqartut naatsorsuutiginnissaat pingaaruteqarpoq.

2013-imi septembari qaammat utaqqisutut nalunaarsukkat ukiumi kingullermi innersuunneqartu-innangajaapput. Taamaasilluni utaqqineq sivikinneralaarsuannorsimavoq. Nalunaarsukkat akornanni immikkut ilisimasaqarfinni marluinnarni septembari qaammat 2012-imiit suli suliaritissimangitsut tassaapput seeqqumikkut siffissamikkullu ajoqutillit, kiisalu siutimikkut, qinngamikkut toqqusaamikkulluunniit ajoqutillit. 2013-imi seeqquminnik siffissaminnillu suliaritittussat 105-iusut ukioq naatinngagu tamakkerneqarnissaat ilisimatitsissutigineqassaaq.

Immikkut ilisimasaqarfiit	sep-09	sep-10	sep-11	sep-12	sep-13
Napparsimasut amerlassusaat					
Siffiaasalersinneq seeqqusaalersinnerlu	320	322	309	156	227
Saanertigut naggussatigullu suliaritittussat allat	188	197	169	58	125
Nassamikkut pilatsittussat	396	377	393	388	366
Iluserlernernik pilatsittussat	34	28	21	11	22
Arnat ilumikkut suliaritittussat	158	137	120	137	172
Isimikkut suliaritittussat	533	532	565	457	272
Siutikkut, qinngakkut toqqusaakkulluunniit suliaritittussat	602	548	404	259	272
Katillugit	2.231	2.141	1.981	1.466	1.456

Peqqissutsimut Attaveqarnermullu Naalackersuisoqarfiup Aningaasaqarnermut Akileraartarnermullu Ataatsimiititaliamut akissummini, suliaritinnissamut utaqqisut nalunaarsorsimaffiannik nutartikkamik nassitsisoqarnissaa oqaatigaa – neriorsuutigineqartorlu tassa.

Suliaritittussat 2013-imi septembari qaammat utaqqisut nalunaarsorsimaffiannut ilaasut, ukiup matuma ingerlanerani nalunaarsukkanut ilannguttuupput.

2009-miit 2013-imut suliaritinnissamut utaqqisut malunnaatilimmik ikileriaateqarsimapput, qulaani tabeli takkuuk. Utaqqisut suliaritinnissaannut immikkut aningaasaliisoqarsimangikkaluarpat, utaqqisut amerliartulersimassagaluartut ilimanarpoq.

Peqqinnissaqarfimmi qullersaasut pilatsittussanut tunngatillugu suleriaatsinik eqaallisaanikkut, nalinginnaasumik suliaritittartut amerleriaateqarnissaat pingaartitaraat.

Taamaasiomeq immikkut ittumik aningaasaliissutit nunguppata, suliaritinnissamut utaqqisunik ikilisaajuartitseqataasinnaassaaq.

Apeqquut 3

Apeqqummut tunuliaqutaasooq:

Apeqquut 8.3-mut Naalackersuisup akissutaa konto pingaarneq 34.11.03-mut tunngasoq.

Naalackersuisumik apersuineri akineqartussat Aningaasaqarnermut Ataatsimiititaliap apeqquutaa:

- a) Peqqinnissaqarfiup missingersuusiortarnerani missingersuutit procentinngorlugit siumut missingerneqaannartarsimanersut paasissutissiissutigineqassasoq Ataatsimiititaliamit kissaatigineqarpoq.

Peqqinnissaqarfiup isumaa naapertorlugu aningaasartuutissanut missingersuutitut, nalinginnaasumik siumut missingersuuiinnartarneq atorneqassanngilaq, aningaasartuutissanulli missingersuutit ukiumi tulliuuttumi suliassatut pilersaarutit ersersitsissapput. 2014-imut aningaasaqarnermut inatsisissatut siunnersuummut atatillugu, aningaasartuutissanut missingersuusiortarnermi procentinngorlugit siumut missingiisarneq atorneqarsimasinnaavoq.

Aningaasartuutissanut missingersuutit nalinginnaasumik siumut missingiiginnartoqartarsimasinnaavoq. Aningaasartuutissanut missingersuutit siunnessami suliassanik naatsorsuutigisanik tunngaveqanissaat, Peqqinnissaqarfimmi Qullersaasut ilisimatitsissutigaat.

Apeqqu 4

Apeqqu 8.6-mut tunuliaqutaasoq:

Apeqqu 8.6-mut Naalakkersuisup akissutaa konto pingaarneq 34.12.06-imut tunngasoq.

Naalakkersuisumik apersuinermit akineqartussatut Aningaasaqarnermut Ataatsimiititaliap apeqqu-taa:


- a) Sumik tunngaveqarluni missingersuutit 3 %-imik siumut naatsorsorneqarsimanersut sunalu pillugu naatsorsueqqittariaqarneq pillugit paasissutissinneqarnissaq, Ataatsimiititap kissaatigaa.

Maaji qaammat 2014-imut aningaasartuutissanut missingersuutit, aningaasanut inatsisissamut siunnersuummut atugassanik suliaqarnermi, tamatuma nalaani Peqqinnissaqarfimmi Qullersaasut nunap immikkoortuini peqqissaaveqarfinni akissarsiat 3 %-imik qaffaavigineqartariaqarsoraat.

2014-imut aningaasanut inatsisissatut siunnersuutit aappassaaneerlugu oqaluuserineqarnissaanut atatillugu aningaasartuutissanut missingersuutit misissuinermit, suliassanut sanilliullugu 3 %-imik aqqiissuteqarnerup qaffasippaalaanera paasinarsivoq. Nunap immikkoortuini peqqissaaveqarfiit aningaasartuutissanut missingersuutaat ataatsimut isigalugit qaffasippallaannginnerat, aningaasarsialli ingerlatsinermilu aningaasartuutit eqqunngitsumik agguataarsimanagerat, taamaamallu allanngortinniarneqarnissaasa kissaataanera, erseqqissassallugu pingaaruteqarpoq.

2014-imi Aningaasanut Inatsisissap aappassaaneerlugu oqaluuserineqarneranut atatillugu allanngutissatut siunnersuut nassiunnerqarpoq.

Inussiarnersumik inuulluaqqusillunga


Steen Lyng